



PROJEKAT "ORMANJ TRAIL RUNNING 2022"



Nosilac projekta: Planinarsko društvo **Skakavac**
Partner projekta: Planinarsko društvo **FASTO**

Sarajevo, mart 2022

KONTAKT

Udruženje građana Planinarsko društvo **Skakavac**
Jošanička 1, 71 320 Vogošća
Bosna i Hercegovina

E-mail: info@pdkakavac.ba; pdkakavacsarajevo@gmail.com

Tel/fax: +387 33 434 345; mobitel: +387 61 449 505

Web: <http://pdkakavac.ba/>

Facebook: <https://www.facebook.com/pdkakavacsarajevo/>

Instagram: <https://www.instagram.com/pdkakavacsarajevo/>

SADRŽAJ:

1. SAŽETAK PROJEKTA.....	4
2. TRAIL TRČANJE.....	5
3. KO SMO MI?.....	6
Nositelj projekta – Planinarsko društvo Skakavac.....	6
SKAKAVAC TRAIL (5 izdanja).....	6
VALTER TRAIL (2 izdanja).....	6
4. OPIS PROBLEMA.....	7
5. OPIS PROJEKTA.....	8
Opis aktivnosti.....	9
7. CILJNA GRUPA.....	13
8. CILJEVI PROJEKTA.....	13
Opšti cilj projekta.....	13
Specifični ciljevi projekta.....	13
9. OČEKIVANI REZULTATI.....	13
10. UPRAVLJANJE RIZICIMA.....	14
Nepripremljenost učesnika za izazove trke.....	14
Gužva na stazi.....	14
Vremenski uslovi na trci, COVID-19 pandemija i viša sila.....	14
11. ORGANIZACIONI TIM PROJEKTA ORMANJ TRAIL.....	15
12. PRILOZI.....	16

1. SAŽETAK PROJEKTA

Projekat „Ormanj trail 2022” je izrađen sa namjerom da trkačkoj zajednici, prvenstveno onoj iz Sarajeva i okoline ponudi organizovanu trail trku u jesenjem periodu godine kada se bilježi nedostatak sportsko-rekreativnih događaja ovog tipa. Trail trčanje podrazumijeva trčanje u prirodi a s obzirom na to da je trčanje sport koji privlači veliki broj ljudi koji žele da promijene svoje navike u smjeru povećanja fizičkih aktivnosti, trail trčanje je naročito privlačno jer nudi dodatni benefit a to je boravak u prirodi.

Staza za trku je dužine 6,5 km i svojom konfiguracijom je prilagođena za početnike, tj. sve one koji žele da se prvi put okušaju u trail trčanju. Planina Ormanj na svom terenu nudi raznovrsnost staza a planinarski dom PD Fasto ima svu potrebnu infrastrukturu za održavanje ovog događaja.

Projektom se predviđa uređenje i promocija manje poznatih staza na Ormanju koje će se moći koristiti za planinarenje i izlete. Promovišu se drugi sportski sadržaji planine kao što je atraktivno sportsko penjalište i lokalne kulturno-istorijske znamenitosti..

Predviđeno je učešće za 100 takmičara. U realizaciji događaja biće uključeno 6 ljudi iz organizacionog tima i 20 volontera. S obzirom da je glavni cilj projekta uvesti u trail trčanje osobe sa malim ili nikakvim iskustvom, broj takmičara je sveden na mjeru koja će garantovati pažnju svakome od njih, a cijena za učešće na trci je povoljna.

Budžet projekta je 9.000,00 KM.

2. TRAIL TRČANJE

Svi smo upoznati s tim šta je trčanje, a da li smo imali priliku saznati šta je trail trčanje?

Trčanje je jedna od najpopularnijih aktivnosti u svijetu, pa tako i kod nas, kojoj se čovjek okreće u želji da se rekreira i poboljša svoje zdravlje. Trail trčanje (trail running) je ustvari trčanje u prirodi savršeno spajajući dvije ljudske strasti ili potrebe: potrebu za kretanjem i vraćanje i spajanje s prirodom, odnosno samim sobom.

Zašto trail trčanje? Zbog prizora i novih, različitih predijela, mirisa i zvukova prirode, uzbuđenja, avanture, mekane podloge, jurcanja niz nizbrdice, dodirivanju oblaka.

„Mnogi trkači inače dijele slično mišljenje da je prevazilaženje udaljenosti u prirodi čak i lakše nego u gradu. Uostalom, u gradu često vodimo malu bitku sa satom i odbrojavamo kilometre i tempo. Međutim, u prirodi, to je više iskustvo uživanja u trčanju i predjelima, a kada stignemo do prekrasnih vidikovaca, odvojimo trenutak, uživamo u pogledima i krenemo dalje. Trčanje u prirodi ne može biti monotono, ni dosadno.”

Luka Hren, trener trčanja (Slovenija)¹

1 Izvor: <https://www.intersport.ba/blog/2020/06/upoznajte-ljepote-trail-trcanja/>

3. KO SMO MI?

Nositelj projekta – Planinarsko društvo Skakavac

Planinarsko društvo Skakavac osnovano je dana 22.01.2018. godine na inicijativu entuzijasta trkača, planinara, zaljubljenika u prirodu, sportskih i turističkih radnika.

Udruženje je kroz projektne aktivnosti uspostavilo partnerstva sa: Olimpijskim Komitetom Bosne i Hercegovine, Atletskim Savezom Bosne i Hercegovine, Savezom ultramaratonaca Bosne i Hercegovine, Triatlon Savezom Bosne i Hercegovine, Fakultetom sporta i tjelesnog odgoja Univerziteta u Sarajevu, Turističkom zajednicom Kantona Sarajevo, Gradom Sarajevo, Ministarstvom kulture i sporta KS, Federalnom upravom civilne zaštite, Ustanovom za zaštićena područja Kantona Sarajevo, Crvenim križem Kantona Sarajevo, te općinama Stari Grad Sarajevo, Centar Sarajevo, Vogošća i Ilijaš, kao i mnogobrojnim društveno-odgovornim kompanijama koje djeluju i rade na području Bosne i Hercegovine

Od svog nastanka Planinarsko društvo Skakavac provodi dva bitna projekta kako za zdravlje ljudi i pojedinaca i pojedinki tako za razvoj lokalne zajednice:

SKAKAVAC TRAIL (5 izdanja)

[Skakavac Trail](#) je dvodnevni trkački događaj s ukupno četiri trke koje se održavaju krajem ljeta pružajući se od grada preko planine sarajevski Ozren s posebnom pažnjom posvećenom promociji Parka prirode Skakavac. Ovaj događaj je međunarodnog karaktera s kompleksnom organizacijom. Trke na petom izdanju Skakavac traila 2021. godine bile su: Plava trka - 69 km, Zelena trka - 41 km, Žuta trka - 20 km i Canicross² trka od 7 km.

VALTER TRAIL (2 izdanja)

[Valter Trail](#) je trail trka dužine 14 km koja se održava u prolječno vrijeme na dijelu rute Igmanskog marša kojom se Prva proleterska brigada krajem januara 1942. godine s Romanije prebacila na oslobođene teritorije. Na krilima pravih, istinskih vrijednosti trail trčanja ova trka je nosilac duha Valtera koji ima namjeru da u godinama koje dolaze njene ljubitelje stalno vraća na ovu stazu.

Partner na projektu – Planinarsko društvo „FASTO“

[Planinarsko društvo "FASTO"](#) je osnovano u junu 2010. godine u prostorijama Fakulteta sporta i tjelesnog odgoja Univerziteta u Sarajevu. Cilj osnivanja društva je da organizira i propagira odlazak u planine kao i da vrši stručnu obuku planinara te da odgaja članstvo u smislu čuvanja, zaštite i unapređivanja prirode na planinskom području koje ima posebno i šire ekološko značenje za same planinare.

Takođe, cilj društva je razvoj specijalističkih aktivnosti: alpinizma, speleologije, vodičke planinarske službe, gorske službe spašavanja, ekspedicionizma, planinarske orijentacije, planinarskog turno skijanja kao i markiranje i obilježavanje planinarskih staza.

2 Posebna trka jedinstvena u Bosni i Hercegovini koju trkači i trkačice trče zajedno sa svojim psećim prijateljima i prijateljicama

4. OPIS PROBLEMA

Trčanje je jedna od najpopularnijih aktivnosti kojoj se čovjek okreće u želji da se rekreira i da poboljša svoje zdravlje. U našoj zemlji ova aktivnost je postala popularna tek zadnjih 5-6 godina i njena popularnost raste čemu su doprinijela sportska udruženja i njihove aktivnosti privlačeći i podržavajući one koji se žele baviti sportskim aktivnostima. Iz godine u godinu sve veći osoba se odlučuje da se okušaju u trčanju u prirodi što se može dokazati rastom broja učesnika i učesnica na organizovanim trail trkama. Međutim, trail trčanje u našoj zemlji je doživjelo ekspanziju zahvaljujući ultra trail trkama, trkama na stazama dužim od 42 km koje okupljaju već formirane trkače. Trail trke kraćih dužina na koje se prijavljuju osobe koje žele da se po prvi put okušaju u ovoj disciplini skoro pa i da ne postoje. U Kantonu Sarajevo 2021. godine do sredine septembra je održano 7 trail trka malih dužina ali uglavnom su bile dio šireg događaja. Svih tih 7 trka manjih dužina su bile ustvari trke duže od 10 km na koje se teško odlučuju početnici u trčanju, osobe koje stiču kondiciju u teretani ili oni koji se bave cestovnim trčanjem na kraće relacije. S toga je Ormanj trail prilika koja će privući i animirati baš takve osobe.

R.b.	Naziv trke	Dužina staze	Vrijeme događanja	Broj finišera na trci	Naziv događaja	Koncept događaja	Planina
1	Valter trail	13 km	7. mart 2021.	124	VALTER TRAIL	Jedna trka; dužine 13km	Ozren
2	Plava staza	12 km	15. maj 2021.	91	WINTER TERMAG CHALLENGE RACE	Dvije trke; 12km i 22km	Jahorina
3	Green race	13 km	19. juni 2021.	376	VUČKO TRAIL	Tri trke; 13km, 35km, 61km	Bjelašnica
4	Super Saiyan Yellow	13 km	4. juli 2021.	115	HRANISAVA ULTRA TRAIL	Tri trke; 13km, 21km, 42km	Bjelašnica
5	Plava staza	13 km	10. juli 2021.	76	TERMAG CHALLENGE RACE	Tri trke; 13km, 22km, 34km	Jahorina
6	Mini trail	23 km	25. juli 2021.	160	JAHORINA ULTRA TRAIL	Tri trke; 23km, 50km, 100km	Jahorina
7	Žuta trka	21 km	5. sept.2021	125	SKAKAVAC TRAIL	Četiri trke: 21km, 41km, 69km, 7km-Canicross	Ozren

Tabela br. 1 : Prikaz trka kraćih relacija koje se održavaju u Kantonu Sarajevo

Također, ovih 7 trkačkih trail događaja je skoncentrisano u ljetno vrijeme, što je vidljivo iz gornje tabele, a kako je trkačka zajednica aktivna tokom cijele godine, primjetan je nedostatak događaja u proljeće, jesen i zimu. U to vrijeme šume znaju biti najljepše, i temperature prikladnije za trčanje, ili zimi, veći trkački izazovi. Ormanjske staze su na južnoj strani planine i sa obzirom na relativno nisku nadmorsku visinu imaju mnogo dana u godini sa povoljnim uslovima za trčanje.

Tako da problemi koji se identifikuju, a ovaj projekat doprinosi njihovom rješavanju su:

- nedovoljan broj organizovanih trail takmičenja (trka u prirodi)
- nedovoljan broj trail trka malih dužina s fokusom na početnike
- nedovoljan broj trka u jesenjem, zimskom i proljećnom dobu



5. OPIS PROJEKTA

Planina Ormanj se nalazi neposredno iznad mjesta Pazarić u blizini Sarajeva. Iako mala planina, sa samo dva vrha od preko 1000 mnmv, na relativno malom prostoru nailazimo na mnoštvo različitosti, listopadne i crnogorične šume i gajeve, pećine, šumske izvore, izletišta, vidikovce, visoke stijene i greben i kao takva može da ispuni sva očekivanja trail trkača.

Ormanj trail događaj nudi trkačkoj zajednici trail stazu koja sa svojom raznovrsnošću terena može da bude školski primjer jedne trail staze i da iz godine u godinu uvodi početnike i početnice u čari trail trčanja. Za prvo izdanje trke projektom se predviđa 100 učesnika_ca.

Start i cilj trke je kod planinarskog doma PD Fasto koji je ujedno i partner u organizaciji projekta i koji osigurava infrastrukturu u smislu prostora za organizaciju, startne i ciljne pozicije, struju, vodu, kuhinju, toalete, parking. Dom se nalazi u ugodnom planinskom ambijentu a u blizini je saobraćajne komunikacije sa gradom Sarajevom. Dom je udaljen svega 1,8 km od željezničke stanice Pazarić i Gradsko saobraćajno preduzeće ima uspostavljene redovne autobuske linije kroz Pazarić. Staza trke je kružna i koncipirana je tako da je većim dijelom bez strmih uzbrdica tj. u većoj mjeri je trčljiva, što daje prostora za duže uživanje u trčanju svih pa i onih koji su po prvi put na stazi.

Realizacija događaja zahtjeva uređenje dijela planinarskih staza koje su već pomalo zaboravljene i zarasle ali koje svojim reljefom ukazuju da su tu dugo prisutne. Uređenost staza će doprinijeti većem broju posjeta planini Ormanj od strane zaljubljenika u prirodu čime se direktno doprinosi povećanju kapaciteta za planinarski i sportski turizam Ormanja.

Da bi se izbjegao rizik za slučaj loših vremenskih prilika ili loše epidemiološke situacije organizator će zadržati pravo da prvobitno određeni i najavljeni datum trke, pomjeri na prvi naredni vikend koji će po prognozi biti uslovan za održavanje događaja. Objava odlaganja i objava novog datuma će se izvršiti najmanje 6 dana unaprijed. Pravilima se reguliše da ako trkač nije u mogućnosti prisustvovati trci prema novom datumu, sredstva uplaćena na račun organizatora će moći da iskoristi na nekom narednom događaju koji organizuje PD Skakavac (PD Skakavac do sada, bez Ormanj trail trke organizuje još dva trkačka događaja sa ukupno 5 trka).

Promovišući trku, na web stranici trke kroz blog priče prezentuju se i drugi sportski sadržaji planine i lokalno kulturno-istorijske zanimljivosti. Vizuelni identitet i logo trke je inspirisan motivima pronađenog keramičkog posuđa sa arheološkog lokaliteta Šišan kuda se navigira staza za trku.

Za potrebe održavanja događaja angažovaće se 20 volontera i volonterki za koje će biti izrađene majice i volonterski certifikati.

Budžet potreban za realizaciju projekta je: 9.000,00 KM

Vremenski period trajanja projekta: od avgusta 2021. do kraja novembra 2022.



6. AKTIVNOSTI PROJEKTA

Organizacija trail trke je jedan sveubuhvatan poduhvat koji zahtjeva dobro promišljanje i planiranje, efikasnu organizaciju kao i iskustvo u organizaciji ovakvih događaja, a to je sve ono što organizatori imaju. S toga, detaljan plan aktivnosti i njihov opis se može pročitati u nastavku dokumenta čitaocu ili čitateljki oslikavajući sliku cjelokupne organizacije i uspostave jedne trail trke. Aktivnosti su predstavljene hronološki.

Opis aktivnosti

Pisanje i koordinacija projekta

Aktivnosti pisanja i koordinacije projekta vrši koordinator projekta. Prvi prijedlog projekta izrađen je u avgustu 2021. a javnosti je predstavljen u oktobru 2021. godine. Projekat je revidiran u decembru 2021. godine. Određen je tačan datum trke i umanjene su cijene sponzorskih paketa imajući u vidu slab odziv sponzora i donatora. Finalna revizija projekta izvršena je u martu 2022. u kojoj su racionalizirani troškovi i umanjen budžet projekta. Tokom realizacije projekta koordinator projekta vrši koordinaciju rada organizacionog tima i odgovoran je za pravovremeno izvršenje svih aktivnosti projekta.

Izrada web stranice

Za potrebe komunikacije s trkačkom zajednicom, donatorima, zainteresiranima za ovakav događaj i privlačenje trkača i trkačica početnika izrađena je web stranica www.ormanjtrail.com. Stranica ima ulogu centralnog mjesta za obavještenja o opisu i pravilima trke, s linkom za prijavu na trku, s prostorom za novosti i komentare publike i prostorom za isticanje sponzora događaja. Web stranica je objavljena 4. oktobra 2021. Takođe, na web stranici se objavljuju blog priče o manje poznatim sportskim sadržajima planine i priče iz lokalne kulture i istorije kako bi se privukla pažnja posjetilaca za ovaj kraj.

Najava trke

Trka je prvi put najavljena 4. oktobra 2021. preko web stranice projekta Ormanj trail i socijalnih medija organizacije. S obzirom da je datum trke određen u decembru 2021. godine tačan datum trke će se ponovo najaviti u decembru 2021. godine.

Namicanje sredstava

Komunikaciju s potencijalnim sponzorima i donatorima vrše dvije osobe iz organizacionog tima posebno zadužene za taj dio posla, odnosno za namicanje sredstava.

Pripremljena je ponuda za sponzore i donatore koja je data u prilogu 2 i dostupna za preuzimanje na web stranice trke www.ormanjtrail.com.

Pojava svakog donatora i sponzora se objavljuje na web stranici trke i na društvenim mrežama. Logo sponzora i donatora je postavljen na istaknutom mjestu na web stranici trke i biće vidljiv tokom cijelog perioda odvijanja projekta.

Svakom od donatora će nakon događaja biti podnesen finansijski i narativni izvještaj uz fotografije.



Promocija događaja

Za promociju događaja i odnose s javnošću zadužene su dvije osobe iz organizacionog tima. Aktivnosti na promociji događaja traju od 4. oktobra 2021. do završetka projekta. Promocija događaja se odvija u više faza, najava trke, promocija trke, objava i predstavljanje sponzora i donatora, izvještavanje sa događaja, objave o događaju i nakon završetka događaja, zahvale sponzorima i donatorima.

Udruženje građana PD Skakavac u svom dugogodišnjem radu razvilo je poseban odnos sa trkačkom zajednicom kroz organizaciju treninga i trkačkih događaja. Još od prvih dana popularizacije trail trčanja napravljena je Facebook stranica PD Skakavac koja broji više od 2.200 članova. Klub PD Skakavac na Strava aplikaciji ima više od 280 članova a Instagram profil PD Skakavac ima više od 320 pratitelja. Tokom odvijanja projekta pokrenuće se i Facebook i Instagram profili Ormanj trail. Svi ovi kanali socijalnih mreža biće aktivni u promociju trke Ormanj trail i isticanje sponzora događaja. Angažman osoba odgovornih za odnos sa javnošću biće usmjeren i na saradnju sa medijskim sponzorima kroz saopštenja za javnost, gostovanje u programima i radio i tv najavu predstavljanja i pozivanja na trku uz isticanje sponzora događaja.

Profesionalne fotografije unajmljenog fotografa su bitne za održavanje samog događaja, jer svaki trkač_ica žele da budu slikani i da imaju uspomenu s njima važnog događaja kao što je to Ormanj trail. Da bi fotografi_kinje mogli obuhvatiti cjelokupnu trku za ovaj događaj je potrebno angažirati minimalno tri fotografa_kinje. Osim toga, dobre fotografije su bitne za sve naredne događaje kao i finalnu prezentaciju događaja sponzorima i donatorima.

Koordinacija volontera i volonterki

Za održavanje ovakvog događaja neophodni su volonteri/volonterke koji svojim radom podržavaju pretvaranje ideje u stvarnost i pružaju podršku trkačima i trkačicama. Za organizaciju ovog događaja predviđeno je učešće 20 volontera_ki i bitno je da oni budu prepoznatljivi učesnicima i uniformisani, s toga, za volontere će biti obezbjeđena majica s vizuelnim identitetom trke.

Koordinator_ica za volontere iz organizacionog tima će vršiti aktivnosti na sveukupnoj komunikaciji i radu s volonterima i volonterkama (objava poziva za volontiranje, praćenju prijava, angažmanu, rasporedu i koordinaciji volonterskih aktivnosti). Koordinator_ica će pripremiti plan volonterskih aktivnosti koji će usaglasiti s organizacionim timom.

Aktivnost koordinacije volontera_ki traje od poziva za prijavu na volontiranje do završetka projekta finalno sa izradom i podjelom volonterskih certifikata te izvještajem o sprovedenim aktivnostima.

Prijave učesnika i učesnica

Prijavljivanje takmičara_ki će se vršiti u dvije faze:

- ⇒ Faza 1 je period ranih prijava koji će trajati od 19. septembra 2022. do 2. oktobra 2022. u kojem će takmičari_ke imati priliku da uplate startno učešće po nižoj cijeni trke od 20,00 KM.
- ⇒ Faza 2 koja predstavlja period prijave za trku po redovnoj cijeni od 30,00 KM će trajati od 3.oktobra do 14.oktobra 2022. godine.

Otvoravanje prijava, evidenciju uplata i zatvaranje prijava vršiće koordinator projekta iz organizacionog tima. Za pružanje kompletnih informacija o događaju trkačima je potrebno pripremiti i staviti na korištenje određene dokumente kao što su: opis



događaja, pravila trke i gps zapis staze³ koji će biti objavljeni na web stranici. Cjelokupna dokumentacija će biti pripremljena od strane Koordinatora projekta.

Izrada potrebnih materijala

Za organizaciju ove vrste trke potrebne su mnogi materijali koji će podržavati vizual trke ističući sponzore, donatore, partnere i organizatore trke. U skladu s potrebama, od promotivnog materijala bit će izrađene majice za volontere_ke, majice za učesnike_ce trke, medalje, baner i zastave, startni broj, što će trebati da bude vizuelno usklađeno tako da će biti potrebno osmisliti prateći dizajn. Osnova za izradu vizuelnog identiteta trke su motivi sa keramičkog posuđa pronađenog na arheološkom nalazištu Šišan.

Uređenje staza

Staze za trku većim dijelom vode već uspostavljenim planinarskim i šumskim stazama i šumskim putevima. Planinarske staze su staze koje su označene planinarskom markacijom i koje su djelomično uređene ali će biti potrebno da se dodatno očiste za nesmetan prolaz trkača. Na dijelovima staze će biti potrebno koristiti trimmer da se ukloni izrasla vegetacija, vodeći pritom računa očuvanju prirodnog ambijenta. Neki dijelovi trkačke staze vode dugo nekorištenim planinarskim i šumskim stazama i za uređenje tih dijelova staze će trebati uložiti dodatni napor na raščišćavanju. Na ovim poslovima će biti angažovani radnici, i po planu ovi poslovi mogu biti završeni za tri radna dana. Kupljeni alat će ostati u posjedu PD Skakavac koji će se koristiti za organizaciju narednih izdanja Ormanj trail trke.

Da bi učesnici trail trka tačno znali kuda se trka kreće, naročito trčeći za prvim mjestom ili najboljim vremenom, staze je potrebno dobro označiti odnosno markirati. Markiranje staza se vrši duž cijele trkačke staze tzv. markacionim materijalom, odnosno, trakicama⁴, najkasnije dan prije trke. Markiranje staza uz koordinaciju i prisustvo i nadzor Koordinatora projekta će vršiti 2 osobe koje će nakon završetka trke sav materijal skinuti ostavljajući prirodu netaknutom (tzv. demarkacija staza).

Finalna priprema za događaj

Tokom cijele faze pripreme kao i održavanja događaja partner u organizaciji, PD Fasto, će objekat planinarskog doma staviti na besplatno korištenje projektu, obezbijediti struju, vodu, inventar, ozvučenje za program događaja. U fazi pripreme, partner će urediti parking za pristup vozilima do doma.

Startni paketi zajedno sa startnim brojevima koji će se dodjeljivati trkačima_icama na startu na dan same utrke se trebaju unaprijed pripremiti od strane volontera_ki što će biti u nadležnosti Koordinatora_ke za volontere. Treba osigurati rani prevoz i prihvat materijala i opreme u planinarskom domu.

Osiguravanje događaja - sigurnosni aspekt

S obzirom da se trka organizira u prirodi, planini, kao i činjenici da su u ovakvim događajima moguće ozljede nepohodno je poduzeti sve mjere zaštite trkača_ica kao i samog organizatora. S toga, u skladu s načinom pružanja zaštite trkačima_icama organizator će unajmiti ekipu Gorske službe spašavanja (GSS) koji su fizički i organizaciono (s obzirom na opremu i znanja koja posjeduju) obučeni za pružanje pomoći i transport ozljeđenih u planinskim uslovima. GSS ekipa će biti na raspolaganju prije početka događaja i sve dok se zadnji trkač_ica ne pojave u cilju.

³ Elektronski zapis staze za trku

⁴ Plastične trake jarkih boja za obilježavanje lokacije



Kao jedan dodatni vid osiguranja događaja jeste i mjerenje vremena kojim se prati kretanje svakog pojedinačnog trkača_ice i prati se da li su svi trkači_ice „na broju“.

Održavanje događaja

Koordinator_ica volontera će po unaprijed utvrđenom planu i rasporedu volonterskih aktivnosti, za koje ima obavezu da pripremi ranije, koordinirati tim aktivnostima i obezbijediti da se te aktivnosti tokom događaja odvijaju nesmetano.

Na sam dan trke bit će organiziran i zabavni program koji će voditi voditelj tog programa. Naime, ova vrsta događaja je puna energije, smijeha, zabave, treme i muzike za razbijanje treme. Potrebno je napraviti i održati takvu atmosferu, najmanje, do same podjele medalja.

Postavljanje potrebne opreme po prethodno uvrđenom rasporedu, usmjeravanje saobraćaja na parking, podjelu startnih paketa i startnih brojeva, komunikacija s trkačim_icama, održavanje higijene prostora, usluživanje trkača_ica koji stignu na cilj, pakovanje opreme poslije trke i sve druge aktivnosti koje budu u planu će vršiti vrijedni volonteri_ke utrke uz koordinatora_ku za volontiranje.

Partner PD Fasto će pružiti podršku volonterima i volonterkama u servisiranju trkača i trkačica uz osiguravanje da se vrši adekvatna upotreba domskog inventara, kuhinje, toaleta, struje i vode.

Kako bi znali ko je pobjednik/pobjednica i u koje tačno vrijeme su došli do cilja potrebno je osigurati mjerenje vremena kao i obradu rezultata. Budžetom su predviđena sredstva za usluge evidentiranja prijave na trku, mjerenje vremena i obradu rezultata od pouzdane kompanije koja ima reference u toj oblasti. Dodatno, za evidentiranje i kontrolu prolaza biće angažovani volonteri.

Standardno je da se na trkama svakom trkaču_trkačici osigura po jedan obrok uz bezalkoholno piće što predstavlja dio startnog paketa. Trkačima_icama je potrebno osigurati kvalitetan obrok, jer je to jedan od bitnih elemenata trke o kojem se priča unutar trkačke zajednice.

Dodjela medalja i proglašenje pobjednika_ice će proteći u slavljeničkoj atmosferi uz sve prisutne koju će održavati voditelj programa. Kao bonus svake trke, pa tako i ove, su nagrade za prvoplasirane, pobjedničke medalje i nagrade sponzora.

Evaluacija

U toku pripreme trke vršit će se koordinacija aktivnosti svih uključenih u projekat čime će se omogućiti pravovremena korekcija i prilagodba aktivnosti u odnosu na planirano.

Izvještavanje

Nakon završetka trke kao i završnih aktivnosti o cjelokupnom događaju koordinator projekta će sastaviti finansijski i narativni izvještaj koji će biti popraćen s fotografijama događaja. Izvještaji će biti dostavljeni rukovodiocima organizacije PD Skakavac, partneru PD Fasto, sponzorima i donatorima, medijskim sponzorima i biće objavljen na web stranici trke najkasnije 30 dana nakon trke.

Vremenski okvir aktivnosti dat je u prilogu 3.



7. CILJNA GRUPA

Kao direktnom ciljnom grupom ovim projektom će se obuhvatiti 200 osoba:

- 100 trkača i trkačica, koji će učestvovati na trci
- 20 pratitelja trkača koji će prisustvovati na trci;
- 20 već afirmiranih trkača i trkačica, tj. mnogobrojnoj trkačkoj zajednici iz grada Sarajeva, koji će nakon trke koristiti od organizacije trke očišćene staze za trening koji će se služiti elektronskim zapisom rute koji trkači često upotrebljavaju za navigaciju po terenu;
- 40 planinara i planinarki koji su česti gosti doma, većinom penzioneri iz grada Sarajeva, kojima će nakon realizacije projekta biti na raspolaganju rute prema Trojanu i Šišanu koje su manje zahtjevne a koje do sada nisu bile popularne;
- 20 volontera i volonterki čime je dat podsticaj volonterizmu potrebnom za razvoj i drugih projekata koji su od značaja za zajednicu.

Indirektna ciljna grupa su:

- Oko 300 osoba porodice i prijatelja učesnika traila
- Oko 3.000 pratitelja PD Skakavac medijskih kanala
- Oko 10.000 šire javnosti

8. CILJEVI PROJEKTA

Opšti cilj projekta

Organizacija Ormanj trail trke ima za cilj doprinijeti poboljšanju fizičkog i mentalnog zdravlja osoba iz Kantona Sarajevo uz poboljšanje sportske turističke ponude Bosne i Hercegovine.

Specifični ciljevi projekta

- o Promocija aktivnog života kroz spoj trčanja i prirode;
- o Promovisanje i uključivanje novih osoba u trail trčanje;
- o Obogaćivanje i promocija sportsko-turističke ponude;
- o Uređenje planinarskih i uspostavljanje trkačkih staza na planini Ormanj kao i njihova promocija u trkačkoj zajednici;
- o Promocija i povećanje volonterskog angažmana.
- o Očuvanje i promocija kulturno-istorijskog naslijeđa.

9. OČEKIVANI REZULTATI

- 1 Organizacija Ormanj trail trke koja će ponuditi trkačkoj zajednici organizovanu aktivnost u periodu godine kada se bilježi manjak sličnih sadržaja;
- 2 Poboljšanje zdravlja 100 osoba kroz učešće u trailu;
- 3 Izraditi i učiniti dostupnim elektronski zapis staza;
- 4 3,5 kilometara novouspostavljenih uređenih i markiranih staza na Ormanju koje će osim za trku postati dostupne za šetnju i planinarenje;
- 5 Kreiranje baza podataka volontera/volonterki.
- 6 Promovisana sportska ponuda planine Ormanj
- 7 Promovisano arheološko nalazište Šišan



10. UPRAVLJANJE RIZICIMA

Analizom rizika su obuhvaćeno je nekoliko rizika koja mogu da poremete realizaciju događaja.

- o Nepripremljenost učesnika za izazove trke
- o Gužva na stazi
- o Vremenski uslovi na trci i viša sila

Nepripremljenost učesnika za izazove trke

Iskusnom trail trkaču će staza od 6,5 km sa 450 m kumulativnog uspona biti dovoljna za jedan sat vremena treninga. Početnicima u trailu 6,5 km može zazvučati kao kratka i lagana staza. Međutim, jednom kada se odvaži i krenu na stazu iluzije o laganoj trci kreću da se raspadaju a stazica se pretvara u maraton koji treba izdržati do kraja. Na polovini staze nalazi se izvor Javor nakon prvog težeg uspona staze i lociran je relativno blizu-iznad planinarskog doma gdje je start i cilj trke. Osoblje za kontrolu prolaza na stazi će biti locirano pokraj izvora i biće na usluzi svim trkačima koji osjete da nisu spremni za finalni uspon i završetak trke da ih upute u pravcu planinarskog doma.

Gužva na stazi

Staza za trku je specifična po tome što je većim dijelom navigirana šumskim stazama jednostupicama, dovoljno širokim za nesmetano kretanje jednog čovjeka. Da bi se izbjegla gužva na stazi, startovi trkača će se vršiti pojedinačno. Prilikom prijave na trku, trkači će naznačiti svoje dotadašnje najbolje vrijeme na 10km i prema tim podacima će se dodijeljivati startni i redni brojevi. Prvi će startovati trkač sa ubilježnim najbržim rezultatom a za njim ide sporiji, i tako dalje. Ovim će se minimizirati gužva i prestizanje na stazi. Tehnika za bilježenje prolaza trkača će precizno mjeriti svačije vrijeme ponaosob.

Vremenski uslovi na trci, COVID-19 pandemija i viša sila

Da bi se izbjegao slučaj loših vremenskih prilika na trci koji mogu da utiču na bezbjednost, ugođaj, lošu prezentaciju sponzora i druge aspekte događaja organizator će uzeti za pravo da pomjeri dan događaja za prvu narednu subotu koja se po vremenskoj prognozi bude smatrala zadovoljavajućom u smislu vremenskih uslova na trci. Organizator će 6 dana prije trke provjeriti vremensku prognozu i odlučiti da li će trka biti organizovana u planirano vrijeme ili odložena. Istog dana po odluci organizator će obavijestiti trkače i javnost o rezultatu odluke kroz kanale komunikacije i medije. Takođe, u slučaju loše epidemiološke situacije ili druge više sile organizator će postupiti na isti način sa objavom odluke najmanje 6 dana prije objavljenog datuma održavanja trke.

Ukoliko trkači ne budu u prilici da učestvuju na trci zbog pomjeranja događaja, sredstva koja su uplatili na račun organizatora će moći iskoristiti za bilo koji naredni događaj koji organizuje PD Skakavac uz prethodnu najavu otkazivanja učešća.



11. ORGANIZACIONI TIM PROJEKTA ORMANJ TRAIL

Koordinator projekta

Koordinator projekta je zaslužan za samu ideju projekta, detaljno osmišljavanje projekta i njegovu realizaciju. Dužnosti i obaveze koordinatora su:

- o Praćenje realizacije i korigovanje organizacije i održavanja trke;
- o Koordinacija osoba angažiranih na projektu
- o Kreiranje opisa i programa događaja, pravila trke i gps zapisa staze koji će biti objavljeni na stranici;
- o Ugovaranje usluga
- o Praćenje i koordiniranje uređivanja, markiranja i demarkiranja staze.
- o Utvrđivanje rezultata trke

Kontakt koordinatora projekta:

Miroslav Mandić

miroslav.mandic@pdskakavac.ba

+387 63 032 907

Osobe zadužene za prikupljanje sredstava

Dužnosti i obaveze osobe zadužene za prikupljanje sredstava su:

- o Kontakt sa sponzorima i donatorima i ugovaranje sponzorstava i donacija

Kontakti osoba zaduženih za prikupljanje sredstava:

Bojan Pajić

bojan.pajic@pdskakavac.ba

+387 62 349 520

Dino Hasanović

dino.hasanovic@pdskakavac.ba

+387 61 025 120

Osobe zadužene za odnos sa javnošću

Dužnosti i obaveze osobe zadužene za odnose s javnošću:

- o Priprema i objava informacija o događaju
- o Kontakt sa medijskim sponzorima i prosljeđivanje informacija
- o Najava i promocija događaja i sponzora,
- o Objava materijala sa događaja i objava zahvalnica

Kontakti osoba zaduženih za odnos s javnošću:

Dragana Grbić-Hasibović

dragana.gh@pdskakavac.ba

+387 61 828 084

Zlatan Hasibović

zlatan.hasibovic@pdskakavac.ba

+387 62 349 520



Koordinatorica volontera

Dužnosti i obaveze osobe zadužene za koordinaciju volontera:

- o Angažovanje volontera
- o Raspored i koordinacija aktivnosti volontera
- o Podjela volonterskih certifikata

Kontakt osoba zadužena za koordinaciju volontera:

Emina Murtić

emina.murtic@pdskakavac.ba

+387 61 832 684

STRUKTURA UDRUŽENJA

Predsjednik udruženja: Amir Bašić

Sekretar udruženja: Dragan Žabić

Predsjednica skupštine udruženja: Zlata Grabovac

Zamjenica predsjednika udruženja: Alma Bašić

12. PRILOZI

1. Budžet projekta
2. Sponzorska ponuda
3. Vremenski okvir